



RÈGLEMAN ENTÈN MANB FONDATÈ

Atik 1- Definisyon Manb Fondatè.

1.1- Manb Fondatè Ekonomi Solidarite HOTSPOT ONE (ESHO), se Gason ak Fanm ki rejwenn premye inisyatè lide a. Se moun ki pataje, makònen epi aksepte filozofi pwomotè lide a ap fè pwomosyon pou li a.

1.2- Tout moun sa yo ki vini Manb Fondatè Ekonomi Solidarite HOTSPOT ONE (ESHO), yo vini genyen menm dwa ak pwomotè lide a nan tout desizyon depi se pou bon mach Estrikti a. Nan sans sa a, Manb Fondatè yo se fanmi, ak zanmi, ki rejwenn pwomotè lide a pou fòmè premye pi gwo Estrikti Ekonomi Solidarite an.

Atik 2- Kritè Pou Vini Manb Fondatè.

Men kritè pou ranpli avan pou vini manb fondatè **Ekonomi Solidarite HOTSPOT ONE (ESHO)** ki se:

- Manb fondatè a dwe genyen minimòm **Vennsek (25) Lanne.**
- Manb fondatè a dwe genyen yon **Manb Referans** ki deja fè pati **Estrikti** a pou sa posib.
- Manb fondatè a dwe aksepte bay yon **Montan \$2000.00 us** kòm yon **Fon Disponib.**
- Manb fondatè a dwe aksepte kotize **Egal Ego** chak fwa genyen yon depans ki dwe fèt.
- Manb fondatè a dwe aksepte pou li **Manb Referans** plizyè lòt manb nan **Estrikti** a.
- Manb fondatè a dwe aksepte pou **Toute Benefis** yo separe **Egal Ego** nan **Estrikti** a.
- Manb fondatè a dwe aksepte pou li bay **10%** nan **Benefis** pa li a pou avansman **Estrikti** a.
- Manb fondatè a dwe aksepte pou li jwenn **Benefis** li chak fwa **ESHO** a fini nèt.
- Manb fondatè a dwe aksepte pou li kouvri **Tout Dèt Manb** yo genyen nan **Estrikti** a.
- Manb fondatè a dwe chwazi youn nan **Plan** sa yo ki se **Basic, Premium, Business.**
- Manb fondatè a dwe ranpli **Fòm Enskripsyon** an ak siyen **Deklarasyon Dangajman** an.
- Manb fondatè a dwe siyen **Règleman Entèn** nan epi respekte **Angajman** li nan **Estrikti** a.

Atik 3- Reprezantasyon Kategori Manb Fondatè (Board).

Kategori Manb Fondatè (Board) Ekonomi Solidarite HOTSPOT ONE (ESHO), genyen yon Estrikti ki ap dirije Ekonomi Solidarite an avèk li ki pote non: Komite Jesyon Ekonomi Solidarite (KOJESO). Se Komite sa a ki la pou dirije ak administre tout kesyon ki konsène Estrikti a ki genyen pou reyini, diskite ak debat tout dosye ki pote sou objektif Estrikti a ap pousuiv lòske yo genyen konvokasyon ki soti nan Komite Jesyon Ekonomi Solidarite (KOJESO).

Atik 4- Konpozisyon Manb Komite.

Ekonomi Solidarite HOTSPOT ONE (ESHO) ap jere pa mwayen yon Komite ki genyen non Komite Jesyon Ekonomi Solidarite (KOJESO). Epi ki ap administre ak yon Komite ki genyen Senk (5) Manb ladan li ki se:

- **Prezidan.**
- **Sekretè Jeneral.**
- **Responsab Trezò.**
- **Pòt Pawòl.**
- **Konseye Jeneral.**

Atik 5- Kategori Manb Fondatè.

Kategori Manb Fondatè (Board) la ki nan **Ekonomi Solidarite HOTSPOT ONE (ESHO)** genyen **Dwa Veto. Manb Fondatè** sa yo ap genyen pou diskite ak pran desizyon nan reyinyon **Komite Jesyon Ekonomi Solidarite (KOJESO)** ap genyen pou planifye. Sepandan, **Manb Fondatè** sa yo kapab kase tout desizyon ki pa kadre ak **objektif, Vizyon, Misyon Ekonomi Solidarite** an. Epi **Manb Fondatè** sa yo tou kapab mande ak **KOJESO** bon jan eksplikasyon sou fonksyonman **Ekonomi Solidarite** an.

Atik 6- Atribisyon Manb Komite.

Manb **Komite Jesyon Ekonomi Solidarite (KOJESO)** genyen pou atribisyon:

- Planifye kalandriye kotizasyon ak kalandriye pèman pandan peryòd yo
- Elabore bidjè masyèl ak anyèl **Estrikti** a pa mwayen kotizasyon manb yo.
- Distribiye montan kotizasyon chak fwa yon manb rive nan dat li a.
- Distribiye kalandriye kotizasyon ak kalandriye pèman avèk tout manb yo
- Retire penalite lè genyen reta ak dedwi taks pou ranfòsman enstitisyonèl.
- Planifye ak pwograme gwo desizyon estratejik **Estrikti** a.
- veye sou bon fonksyonman **Estrikti** a pa rapò ak **Estati** a epi **Règleman Entèn** yo.
- Resevwa dosye kandida ak evalyasyon yo pou entegre nan **Estrikti** a.
- Resevwa kont randi, sigjesyon ak rekòmandasyon manb **Estrikti** a.
- Nome manb nan **Komisyen** si sa nesèsè ak lòt manb nan **Estrikti** a lè genyen pòs ki vid.
- Aplike disiplin ak sanksyon sou tout manb ki fotif nan **Estrikti** a.
- Amande **Règleman Entèn Estrikti** a sou demand moajorite manb yo.

Atik 7- Fonksyon Manb Komite.

A-Prezidan.

- Konvoke reyinyon pou planifye aktivite anyèl ak bidjè **Estrikti** a.
- Anime reyinyon **KOJESO** ak delibere sou desizyon **Komite** a ap pran.
- Otorize depans sou lajan manb **Estrikti** a.
- Otorize entegrasyon nouvo manb nan **Estrikti** a.
- Siyen pwosè vèbal reyinyon ak tout dosye administrasyon **KOJESO**.

B- Sekretè Jeneral.

- Asiste **Prezidan** an nan reyinyon li yo kòm manb ki ap distribiye la pawòl.
- Redije pwosè vèbal reyinyon **Òdinè** oubyen **Ekstrawodinè** yo.
- Resevwa dosye nouvo manb ak kominike yo bay **Prezidan** an.
- Fè mesaj rapèl pou tout manb yo epi sou dwa kotizasyon yo.
- Konsève tout achiv **KOJESO** a genyen.
- Siyen avèk **Prezidan** an pwosè vèbal reyinyon **Òdinè** oubyen **Ekstrawodinè** yo ak tout dosye administratif **KOJESO**.

C- Responsab Trezò.

- Prepare bidjè depans mansyèl oubyen anyèl **Estrikti** a.
- Prepare kalandriye kotizasyon avèk kalandriye pèman manb **Estrikti** a.
- Resevwa montan kotizasyon don manb **Estrikti** a.
- Dedwi taks obligatwa ak penalite sou reta pèman kotizasyon manb **Estrikti** a.
- Prezante rapò kotizasyon mansyèl manb yo ak rapò depans anyèl **Estrikti** a.
- Siyen avèk **Prezidan** an rapò depans mansyèl ak anyèl **Estrikti** a.

D- Pòt Pawòl.

- Repezante **Prezidan** an ak **Sekretè Jeneral** la pou pote mesaj nan bouch oubyen ekri.
- Asiste **Sekretè Jeneral** la nan divès fòm kominikasyon li yo.
- Pran la pawòl piblik nan non **KOJESO**.
- Dirije la pawòl tankou mèt seremoni lè genyen reyinyon anyèl **Estrikti** a.

E- Konseye Jeneral

- Bay konsèy sou tout desizyon **KOJESO** ap pran nan non **Estrikti** a.
- Veye sou bon jesyon **KOJESO** epi fè rekòmandasyon sou fay li wè ki genyen.
- Jwe wòl abit lè genyen bouch louvri nan mitan manb **KOJESO** yo ak rès manb **Estrikti** a.

Atik 8- Dwa Prezidan An Nan Konvokasyon Ak Moderasyon Reyinyon.

8.1- Kèlkeswa reyinyon ki ap fèt swa **Òdinè** oubyen **Ekstrawòdinè**, epi sou kèlkeswa fòm li ap fèt la tankou fizikman, apèl konferans ak apèl videyo, se **Prezidan** an ki ap genyen dwa pou li fè konvokasyon ak **Komite Jesyon Ekonomi Solidarite (KOJESO)** epi ak **Ekonomi Solidarite HOTSPOT ONE (ESHO)** ak tout lòt **Estrikti** yo. Kidonk se **Prezidan** ankò ki ap genyen dwa pou li fè moderasyon reyinyon an.

8.2- Sepandan, nan ka **Prezidan** an ta genyen yon anpechman, se **Konseye Jeneral** la ki ap genyen dwa pou li jwe wòl **Prezidan** an genyen nan konvokasyon ak moderasyon reyinyon.

8.3- Konsa tou, kit se **Prezidan** an kit se **Konseye Jeneral** la ki te fè konvokasyon an, youn nan yo kapab mande nenpòt **Manb** pou jwe wòl moderatè nan reyinyon an pou pèmèt patisipasyon anplis chak manb nan jesyon tan rankont yo ak tan lapawòl.

Atik 9- Reyinyon Manb Fondatè Ak Desizyon.

Tout **Manb Fondatè Ekonomi Solidarite HOTSPOT ONE (ESHO)** yo dwe prezan nan tout reyinyon ki ap fèt swa **Òdinè** oubyen **Ekstrawòdinè**, epi kèlkeswa fòm li ap fèt la, tankou; fizikman, apèl konferans ak apèl videyo. Si toutfw a ta genyen yon **Manb Fondatè** ki pap ka prezan nan yon reyinyon, **Manb Fondatè** a dwe fè **Prezidan** an konnen sa davans. Nan ka kontrè, **Manb Fondatè** ki prezan yo ap pran tout desizyon pou avansman **Estrikti** a.

Atik 10- Respè Règleman Entèn Nan Desizyon Manb Fondatè.

Kèlkeswa desizyon majorite **Manb Fondatè Ekonomi Solidarite HOTSPOT ONE (ESHO)** ap pran, fòk desizyon sa a pa vyole youn nan atik ki nan **Règleman Entèn Estrikti** a. Si desizyon an ta rive vyole **Prinsip Fondamantal Règleman Entèn** yo, desizyon sa a, menm si se majorite **Manb Fondatè** yo ki pran li ebyen desizyon sa a pap valab.

Atik 11 - Delè Pou Konvokasyon Manb Fondatè.

Tout konvokasyon pou reyinyon **Komite Jesyon Ekonomi Solidarite (KOJESO)** ap fè ak **Ekonomi Solidarite HOTSPOT ONE (ESHO)** epi ak lòt Estrikti yo dwe **Vennkat (24) èd Tan** alavans. Sepandan, si ta genyen yon ijans nan **Estrikti** a, nan ka sa a, **Prezidan** an ap genyen dwa pou li konvoke tout **Manb Fondatè** yo san li pa teni kont ni jou ak lè li ye a.

Atik 12- Desizyon Pou Yon Manb Fondatè Ki Abandone.

Si nan yon reyinyon **Manb Fondatè Ekonomi Solidarite HOTSPOT ONE (ESHO)** ta genyen pou yo pran yon desizyon pou bon mach **Estrikti** a, ta genyen yon **Manb Fondatè** oubyen plizyè **Manb Fondatè** ki ta deside kite reyinyon an pou kèlkeswa rezon an, san reyinyon an poko fini, lè sa a, lòt **Manb Fondatè** ki rete yo ap genyen dwa pou yo pran kèlkeswa desizyon an menm si yo pa majorite depi se pou bon mach **Ekonomi Solidarite** epi depi li kadre ak **Estatè Estrikti** a.

Atik 13- Respè Pou Desizyon Majorite Manb Fondatè.

Tout **Manb Fondatè** dwe respekte desizyon majorite **Manb Fondatè** yo pran depi desizyon sa pa kontrè ak filozofi, misyon epi vizyon **Ekonomi Solidarite HOTSPOT ONE (ESHO)** ap defann.

Atik 14- Kowòm Pou Manb Fondatè Pran Desizyon.

Tout gwo desizyon **Manb Fondatè Ekonomi Solidarite HOTSPOT ONE (ESHO)** ap genyen pou yo pran pou bon mach **Estrikti** a, **Manb Fondatè** yo dwe pran li nan yon reyinyon epi reyinyon sa a dwe genyen majorite **Manb Fondatè** ladann. Nan ka pa ta genyen majorite **Manb Fondatè** ki prezan nan reyinyon an, Lè sa a, lòt **Manb Fondatè** yo ki prezan pap kapab pran okenn gwo desizyon.

Atik 15- Obligasyon Respè Youn Pou Lòt.

Respè youn pou lòt se yon obligasyon nan mitan tout **Manb Fondatè** yo, menm jan sa ekri nan atik yo ki nan **Estatè Ekonomi Solidarite HOTSPOT ONE (ESHO)**.

Atik 16- Frekans Reyinyon ak Sanksyon.

Kategori Manb Fondatè (Board) Ekonomi Solidarite HOTSPOT ONE (ESHO) dwe reyini chak **Youn (1) Mwa** nan dènye vandredi mwa a pou diskite sou pwogrè ki fèt ak pèspektiv yo konvokasyon sa ap fèt ak tout **Manb Fondatè** yo sou platfòm vityèl yo pa yon mesaj oubyen yon nòt ki pote siyati **Sekretè Jeneral Komite Jesyon Ekonomi Solidarite (KOJESO) Estrikti** a sou jou ak lè reyinyon sa ap fèt dire reyinyon sa a pa dwe depase **De (2) èd Tan**.

Atik 17- Don Manb Fondatè.

Kèlkeswa **Manb Fondatè** a kapab fè **Don** avèk **Ekonomi Solidarite HOTSPOT ONE (ESHO)** sou kèlkeswa fòm nan tankou an espès epi an nati.

Atik 18- Sanksyon Pou Manb Fondatè ki Abandone.

Kèlkeswa **Manb Fondatè** ki nan **Ekonomi Solidarite HOTSPOT ONE (ESHO)**, pa genyen dwa pase **Douze (12) Mwa** san **Manb Fondatè** a pa patisite nan reyinyon ak aktivite yo pou kèlkeswa rezon an, Sinon, **Manb Fondatè** a ap vini yon **Manb Inaktif**. Kidonk **Manb Fondatè** a dwe remèt tout sa ki nan men li si li genyen epi fasilite tout chanjman yo pou avansman **Estrikti** a.

Atik 19- Radyasyon San Reklamasyon.

Kèlkeswa **Manb Fondatè** a ki ta soti nan **Ekonomi Solidarite HOTSPOT ONE (ESHO)**, pou kèlkeswa rezon an **Manb Fondatè** a pap kapab fè okenn reklamasyon sou kèlkeswa fòm **Don** an te fèt la. Epi pa bliye, tout sa yon **Manb Fondatè** bay nan **Estrikti** a sou kèlkeswa fòm li ye a se **Don** li ye, kidonk okenn **Manb Fondatè** pa genyen dwa: **Vann Li, Fè Kado Li, Prete Li, Twoke Li, Pran Li, Kraze Li, Boule Li, Ni Mete Li Nan Plàn/Brikabrak Elatriye.**

Atik 20- Pwosedri Pou Yon Manb Fondatè Demisyone.

Si yon **Manb Fondatè**, ta deside demisyone nan **Estrikti** a, pou pwòp rezon pa li epi san okenn lòt **Manb Fondatè** pa ni fòse li ni mande li demisyone, **Manb Fondatè** a genyen yon fason pou li fè sa.

- Tou dabò, **Manb Fondatè** a dwe konsilte **Papa Lide** a ki te pèmèt entegrasyon li nan **Estrikti** a pou diskite avèk li sou sa.
- Aprè sa, **Manb Fondatè** a ap genyen pou li konsilte tout lòt **Manb Fondatè Estrikti** a, pou diskite sou motif ak kontrent li genyen ki fè li oblije demisyone.
- Se aprè li fini konsilte ak diskite ak tout **Manb Fondatè** yo, ebyen lè sa **Manb Fondatè** ki vle demisyone a ap genyen posiblite pou ekri lèt demasyon li a ki ap adrese ak **KOJESO**.
- Pwosedri sa valab pou tout **Manb Fondatè** nan **Estrikti** a ki ap demisyone.
- Pou **Manb Fondatè** ki te nan **KOJESO**, fòk li remèt tout dosye, **Materyèl** ak **Ekipman Estrikti** an ki te nan men li yo epi bay yon ti tan pou pèmèt lòt **Manb** ki ap ranplase manb la genyen konesans sou dosye li te trete yo epi genyen achiv sa yo pou travay la kapab kontinye.

Atik 21- Byen Materyèl Ak Imateryèl.

Tout byen **Materyèl** ak **Imateryèl** dwe disponib pou tout **Manb Fondatè Ekonomi Solidarite HOTSPOT ONE (ESHO)** nan kad travay yo. Sepandan, tout byen **Materyèl** ak **Imateryèl Estrikti** a pa dwe itilize pou afè pèsonek kèlkeswa **Manb Fondatè** li ye a.

Atik 22- Konfidansyalite Nan Pataj Enfòmasyon.

Si ta genyen yon **Manb Fondatè** pou yon rezon oubyen pou yon lòt ki ta deside pataje enfòmasyon pèsonek **Ekonomi Solidarite HOTSPOT ONE (ESHO)** ak yon lòt manb oubyen plizyè lòt manb ki pa genyen otorizasyon pou sa, epi ki pa fè pati nonplis **Estrikti** a, **Manb Fondatè** sa a pap janm genyen aksè ak enfòmasyon pèsonek **Estrikti** a ankò.

Atik 23- Montan Fon Disponib.

Kèlkeswa **Manb Fondatè** ki ap rantr nan **Estrikti** a, li dwe bay yon montan **\$2000.00 us** kòm yon **Fon Disponib**. Sepandan, montan sa a se pa yon **Fon Pèdi** li ye. **Manb Fondatè** a ap genyen aksè ak montan sa a si sèlman **Manb Fondatè** a ap pran yon poz pou yon ti tan oubyen **Manb Fondatè** a ap soti nan **Estrikti** a. Men, fòk **Manb Fondatè** a pa genyen dèt pou **Administrasyon**, epi fòk **Administrasyon** an tou pa genyen dèt pou manb li yo, Si menm **Manb Fondatè** a ap retounen nan **Estrikti** a yon lòtwa ankò, **Manb Fondatè** a dwe bay menm montan sa yo ankò.

Atik 24- Montan 10% Taks.

Chak peryòd nan **Ekonomi Solidarite HOTSPOT ONE (ESHO) Administrasyon** an ap retire **10% Taks** nan benefis **Manb Fondatè** yo ki nan **Estrikti** a, kòm yon taks senbolik pou ranfòsman epi avansman **Estrikti** a.

Atik 25- Fon Disponib 10% Taks.

Fon disponib **10% taks** la pa pou okenn **Manb Fondatè** a tit pèsonèl, lè **Administrasyon** mete yo ansanm yo tout tounen **Fon Disponib Estrikti** a ki ap aji anba chapo yon **Pèsòn moral**.

Atik 26 Repatisyon Depans.

Tout depans ki prevwa fèt pou bon mach **Ekonomi Solidarite HOTSPOT ONE (ESHO)** dwe fèt **Egal Ego**, sa vle di li se yon obligasyon pou tout **Manb Fondatè** yo kotize nan **Estrikti** a.

Atik 27- Kotizasyon Manb Fondatè.

Tout kotizasyon **Manb Fondatè** yo se pou reyalize yon pwojè kèlkonk swa a kou tèm, mwayen tèm epi ak lon tèm pou avansman **Ekonomi Solidarite HOTSPOT ONE (ESHO)**. Okenn **Manb Fondatè** pa genyen dwa pou prete li epi ni reprann li aprè kotizasyon **Manb Fondatè** a sou kèlkeswa fòm nan.

Atik 28- Amandman Règleman Entèn Manb Fondatè.

Règleman Entèn Manb Fondatè Ekonomi Solidarite HOTSPOT ONE (ESHO), kapab modifye chak **Youn (1) Lanne** si sa nesèsè, men fòk majorite **Manb Fondatè** yo aksepte pou sa posib. Sepandan li ap kapab modifye tou nenpòt moman nan peryòd sa, men fòk tout **Manb Fondatè** yo aksepte pou sa posib.

Atik 29- Respè Règleman Entèn Manb Fondatè.

Tout **Manb Fondatè Ekonomi Solidarite HOTSPOT ONE (ESHO)**, genyen pou obligasyon pou yo aplike, respekte epi fè aplike, respekte **Règleman Entèn Manb Fondatè** a.

Atik 30- Delè Pou Siyati Règleman Entèn ak Sanksyon.

Aprè siyati **Règleman Entèn Manb Fondatè Ekonomi Solidarite HOTSPOT ONE (ESHO)**, Tout **Manb Fondatè** yo dwe respekte epi fè respekte akò yo fini siyen an, Sinon, **Manb Fondatè** a ap genyen yon delè **Twa (3) Jou** fran pou li deside. Si delè sa a pase, **Manb Fondatè** a pap kapab fè pati **Kategori Manb Fondatè Estikti** a ankò.

Mwen menm _____ **Mwen** li, **Mwen** komprann,
Mwen aksepte epi **Mwen** siyen paske mwen dakò ak tout atik san manke yon yota ki nan **Règleman Entèn Manb Fondatè Ekonomi Solidarite HOTSPOT ONE (ESHO)** pou mete yo an aplikasyon epi koube **Mwen** anba sanksyon yo chak fwa **Mwen** vyole youn ladan yo.

Fèt Nan Dat 06 Desanm 2022

Dat _____ / _____ / _____

Siyati Manb Fondatè ESHO